

## لـا وصول إلـى الله إلـى بـسـلامـة قـلـب | القـاعـدة 80 |

### #أصلـ\_الوصـولـ\_إلـىـ\_الله | دـ. أـحمد جـلال

أحمد جلال

اعوذ بالله السميع العليم من الشيطان الرجيم. بسم الله الرحمن الرحيم الحمد لله رب العالمين والصلة والسلام على اشرف المرسلين  
سيدنا محمد وعلى الله وصحبه ومن تبعهم باحسان الى يوم الدين - 00:00:00

مش عارف الواحد حاسس بحالة كده والله مهموم الصراحة. مهموم جدا. مش قادر اتخيل ان خلاص هي ليلة وليلة واحدة في رمضان  
والله يا اخوانا والله والله. صعب بقى على الواحد جدا ان الفرقـة - 00:00:20

وبخاصة بعد روح الجميلة الواحد حسها هنا في المكان السنة دي سبحان الله كانت فيه روح كده عجيبة. يا رب تكون دي حالة قبول  
منا كلنا. وكل واحد شاغل بالله دلوقتني ايه - 00:00:50

نقول يا رب لا تجعل هذا اخر العهد برمضان. يا رب ما يكون ده اخر غير العهد في رمضان ابدا. بيكون دايما كده يا رب ربنا يمن علينا  
نعيش سنين كتيرة عشان رمضان. يا رب. برضو يا اخواننا انا هتكلم معاكـم بعد - 00:01:20

هو درس لطيف جدا. ومهم جدا لنا كلنا لأ سببـهم سببـهم. بس كـت عاملـة دوشـة النهـارـدة يا اخـوانـا ربـنا سبحانـه وتعـالـى لما حـبـ يقول  
لـنا اـزاـي سـيدـنا إـبرـاهـيم عـلـيـه الصـلاـة وـالـسـلـام وـصـلـ لـربـنا - 00:01:40

عندـنا اـيـة صـغـيرـة اوـي اـذ جاءـ رـبـه بـقـلـب سـلـيم رـبـنا بيـقـول لـنا ان اـبـراـهـيم عـلـيـه الصـلاـة وـالـسـلـام قـدـرـ يـوـصـل لـربـنا بـقـلـبـه وـربـنا فـي ايـة تـانـية  
في القرآن قال لنا ان الوصول له سبحانه وتعالى يوم القيمة. مش هيـكـون اـبـدا يا اـخـوانـا والله باـعـمالـ كـثـيرـ. ولكن اـهـم حاجـة - 00:02:16

انت قـلـبك قـلـبك من جـوـة يـبـقـي قـرـيبـ من رـبـنا تـبـقـي حـاسـس وـمـسـتـشـعـر وـنـفـسـك انه قـلـبك يـبـقـي مـرـتـبـط اوـي بـربـنا سبحانـه وـتعـالـى قال  
تعـالـى يوم لا يـنـفعـ مـال وـلـا بـنـون الاـ من اـتـى الله بـاـيـه ؟ عـلـشـان خـاطـرـي. عـشـان خـاطـرـي - 00:02:52

ركـزـ تـانـي فيـ الـاهـلي رـبـنا بـيـقـول لكـ يومـ الـقـيـامـة اـكـتـرـ حاجـةـ هـتـنـفـعـكـ انـ قـلـبكـ يـكـونـ سـلـيمـ اوـعـيـ تـقـابـلـ رـبـنا سبحانـه وـتعـالـى بـقـلـبـ مـريـضـ.  
لانـهـ ماـ يـنـفـعـشـ لوـ قـابـلتـ رـبـنا سبحانـه وـتعـالـى يومـ الـقـيـامـة وـقـلـبكـ فـيـهـ مشـ هـتـوـصـلـ لـربـنا. وـلـاـ هـتـوـصـلـ لـلـجـنـة - 00:03:33

بـصـواـ اـخـوانـي اـحـبـابـي وـوـلـادـي رـبـنا سبحانـه وـتعـالـى بـيـقـول لـنا فيـ الـقـرـآن وـاـخـلـيـ الشـيـخـ حـسـيـنـ يـعـنـي رـاحـ فـيـ يـسـمـعـنـاـ الـاـيـاتـ دـيـ عـلـشـانـ  
اقـولـ لـكـ دـايـماـ انـ الـوـصـولـ اـلـلـهـ وـالـوـصـولـ اـلـلـهـ يـحـتـاجـ مـاـ اـنـ اـحـنـاـ تـبـقـيـ قـلـوبـنـاـ كـوـيـسـةـ - 00:04:02

تبـقـيـ قـلـوبـنـاـ مـقـبـلـةـ عـلـىـ اللـهـ سـبـانـهـ وـتعـالـىـ رـبـناـ ذـكـرـ لـنـاـ اـيـاتـ فـيـ سـوـرـةـ قـافـ وـاحـنـاـ كـلـنـاـ بـنـحـبـهـاـ. بـسـ اـنـاـ عـاـيـزـ مـنـ خـالـ الـاـيـاتـ دـيـ اـكـدـ لـكـ  
عـلـىـ الـاـصـلـ الـلـيـ اـنـاـ - 00:04:30

عاـيـزـ اوـصـلـهـ النـهـارـدـةـ اـحـنـاـ مشـ هـنـوـصـلـ لـربـناـ يـاـ وـلـادـ بـبـدـيـ انهـ قـويـ اوـ واحدـ معـهـ فـلـوـسـ اـبـداـ فيـ نـاسـ كـتـيرـ جـداـ عـنـدـهاـ مـلـاـيـنـ وـماـ  
وـصـلـتـشـ لـربـناـ وـفـيـ نـاسـ ماـ شـاءـ اللـهـ تـبـصـ عـلـيـهـ وـهـوـ ماـشـيـ كـدـهـ وـهـوـ طـالـعـ مـنـ الجـيـمـ حاجـةـ كـدـهـ ماـ شـاءـ اللـهـ وـمـاـ وـصـلـشـ لـربـناـ - 00:04:45

احـنـاـ مشـ دـهـ مـعـنـاهـ انـ الـفـلـوـسـ وـحـشـةـ اوـلـاـ مشـ دـهـ مـعـنـىـ انـ الـاـسـاسـ عـنـدـكـ مشـ فـيـ قـوـةـ  
الـجـسـمـ. الـاـسـاسـ عـنـدـكـ يـاـ اـبـنـيـ اـنـكـ قـلـبـكـ يـبـقـيـ كـوـيـسـ - 00:05:11

رـبـناـ بـيـتـكـلـمـ عـلـىـ اـنـ الـجـنـةـ تـزـخـرـفـ وـتـزـيـنـتـ وـتـجـمـلـتـ. رـبـناـ جـمـلـهـاـ بـسـ لـمـينـ تـقـرـأـ كـدـهـ الـاـيـاتـ يـاـ شـيـخـ حـسـيـنـ وـازـلـفـتـ الـجـنـةـ لـلـمـتـقـيـنـ

المتقين غير بعيد. هذا هذا ما تعدون من الرحمن بالغيب وجاء - 00:05:27

جزاك الله خيرا ربنا بيقول وجاء بقوم ايه؟ منيبي يعني سليم، هو قابل ربنا قلبه ابيض ابن ربنا سبحانه وتعالى قال ابيض علشان كده ربنا يقول لهم ادخلوها بالسلامة. ما هي قلبه سليم. فلما كان قلبه سليم قال له ادخل الجنة بسلام - 00:06:33  
ادخلوها بالسلام. ذلك يوم الخلود. شف شف عطية ربنا له. بيقول بيقول لهم ما يشاوون فيها. افضل كده وانت قاعد في الجنة قل اه عايز كزا عايز كزا عايز اطلب كل اللي انت عايزه - 00:07:53

وفي النهاية ربنا يقول لك خد بقى الزيادة من عندي ايه يا اخوانا ان الرجال ده كان قلبه سليم وهنعرف دلوقتني سليم من ايه. لما كان قلبه سليم دخل به الجنة - 00:08:12  
يا اولادي يا حبائي يا اخواني ابائي الكرام اغلى حاجة بنملكتها من الدنيا كلها والله قلوبنا والله يا اخوانا ممكنا واحد في يوم من الايام يفقد بصره بس هييعيش وممكنا في يوم من الايام يخش الجنة لما فقد البصر - 00:08:31

الله سبحانه النبي صلى الله عليه وسلم بيقول لنا قال الله سبحانه وتعالى اذا اخذت آآ حبيبتي عبدي عينيه فليس له ثواب عندي الا الجنة. ازا صبر. فممكنا واحد في يوم من الايام ربنا بيتبليه بفقد البصر. بس لما - 00:08:51  
دخل ميدان الجنة ممكنا واحد يا اخوانا ربنا بيتبليه اسأل الله انه يشفى مرضى المسلمين. ممكنا واحد اي حد وربنا بيتبليه بمرض يفقد فيه مش بصره بصره وسمعه وكلام وايد ورجل وكل حاجة - 00:09:13

ويكون عند ربنا غالى اوى. رغم انه فقد كل الجوارح قال الله سبحانه وتعالى في الحديث القدسي اذا مرض العبد يقول الله لملائكته انا قيدت عبدي بالمرض. ولعبيدي عندي عهد. ان اعاذه لو شفيتك اذره يمشي على الارض - 00:09:32  
وليس عليه خطيئة. وان اقبضه ادخله الجنة. يبقى الانسان ممكنا يفقد اي حاسة من الحواس في جسمه يخش قصادها الانسان ممكنا في يوم من الايام بيتبلي في ايدي او بيتبلي في رجل ويصبر. تكون النتيجة ان - 00:09:56

الخلال اللي حصل في الجسم ده يكون سبب ان صاحبه يخش الجنة. النبي صلى الله عليه وسلم يقول وصب المؤمن كفارة. يعني ايه وصب؟ مرضه ممكنا في يوم من الايام تتأذى في بدنك. النبي يقول لنا حتى الشوكه يشاكلها الا ايه؟ كفر الله - 00:10:16  
بها من خطاياها. ممكنا الانسان يتعب في جسمه. النبي صلى الله عليه وسلم دخل في يوم من الايام على امرأة من المسلمين وهي كان عندها حمى درجة حرارتها عالية جدا - 00:10:36

فيبيسألها اخبارك ايه؟ فقالت يا رسول الله لعنة الله على الحمى. قال لها لا تسببي الحمى. هو حرام ان احنا نشتمن المرض ما بنقولش ده مرض ابن كزا حرام. فقال لا تسببي الحمى - 00:10:51

فانها تذهب ذنب العبد كما يذهب الكيل خبث الحديد. زي ما الحديد بيتحط في الفرن يطلع صافي امراض البدن يا ولاد. امراض البدن اخوانا واحبابنا. امراض البدن الانسان بيخش مليان شوائب ذنب معاصي يطلع منها من الجهة الثانية نظيف - 00:11:07  
النبي صلى الله عليه وسلم قال لنا في شأن الناس اللي اصيبيت بامراض في ابدانها. يقول لنا والله ليودن اهل العافية يوم القيمة لما ربنا ينادي يوم القيمة على الناس فين اهل البلاء؟ الناس فين اللي كانت عاشت في مستشفيات؟ ويا عيني ربنا يعافيكم ربنا يعافيكم - 00:11:27

عايش على الحقن لما تبهدل الواحد لما ربنا بيقدر كده الحصوة عندي بتتعبني شوية وتفضل بقى تاخذ حقن وتأخذ محاليل وتأخذ لك في اليوم ست سبع تمن حقن علشان الدنيا تهدى شوية. تقول اللهم لك الحمد امال الناس اللي - 00:11:51  
على الحقن هناك في المستشفيات عاملين ايه؟ الشاهد يوم القيمة ربنا ينادي على اهل البلاء يا اهل البلاء تعالوا اطلعوا الناس اتأذوا في جسمهم الدنيا فيتقدمون فيصب الله عز وجل عليه من الخير صبا. لما بيجي يعاملهم بالحسنات يقول مش بالحسنة حسنة - 00:12:10

لا ده الحسنة يقوم مرة واحدة كده ربنا منزل عليهم كمية حسنات لا حصر لها. فاهل الدنيا اهل العافية اللي كانوا بقى في الدنيا النبى بيقول ساعتها يودن اهل العافية لو ان جنودهم قرضاهم بالمقاريض لقيتهم في الدنيا انقطعوا حتى لما يرون من ثواب - 00:12:30

لأهل البلاء. النبي صلى الله عليه وسلم بيقول لنا وان الرجل لتكون له المنزلة عند الله في الجنة لا يبلغها بعملي انت ربنا يا ابني ممكنا في يوم يكون وضع لك في الجنة درجة. درجة في الجنة عالية او اي. مهما صلينا وصمنا وذكرنا ربنا مش هنوصل - 00:12:50  
فلا يزال الله يبتليه في جسده حتى يرفعه الى هذه المنزلة. انت ليه بتقول لنا الكلام ده؟ وايه علاقة الكلام ده القلب السليم انا عايز اوصل لك معنى مهم. ان المرض اذا جه في الجسم والانسان صبر عليه الانسان بينال به اعلى - 00:13:13  
درجات الجنة الانسان بينال به اعلى قدر ممكنا من الحسنات. الانسان بينما من البلاء ده اكبر قدر ممكنا من تمحيص الذنب وذهاب زنوب الان نوع واحد يا اخواننا من الامراض. الا نوع واحد من الامراض. الا وفي يوم من الايام نزل على العبد العبد ده ضاع دنيا وضاع - 00:13:33

وهذا المرض هو المرض المتعلق بالايده؟ بالقلب. الامراض المتعلقة بالقلوب. دي الامراض اللي بتھلك اصحابها في واحد كان في الدنيا قلبه اعمى مش عينيه قلبه كان اعمى. واحد كان في الدنيا ربنا يا رب يعافيكي واياكم - 00:13:58  
قلبه كان فيه كبس. واحد في الدنيا كان ييراعي الناس. واحد في الدنيا كان قلبه مليان غرور. واحد في الدنيا كان مليان هوب او واحد في الدنيا كان قلبه مليان زنوب ومليان معاصي. فالقلب اتغير واسود ومرض يقابل ربنا - 00:14:22  
القلب المريض ازاي؟ النبي صلى الله عليه وسلم يقول لا يدخل الجنة من كان في قلبه مثقال ذرة من ايه مثقال ذرة من مرض نزل في يوم من الايام في قلب الانسان لا يدخل الجنة - 00:14:42

متخيل مثقال ذرة بزر نزل في يوم نزلت في يوم من الايام في قلب انسان النبي قال ما يخشش الجنة. واحد ربنا يعافيكي واياكم يا رب قلبه قاسي وشديد على الناس. بيعامل مع الناس بكل قسوة. النهاردة قبل المغرب بدقايق - 00:15:01  
وقف شاب كده بيوزع بسكوتات و حاجات من كده. بيوزع مندوب مبيعات يعني. مندوب مبيعات ده بيكلمني بيقول لي وهو متاثر جدا انا مش عارف اصلی تراویح وانا تعبان نفسيا وفي حالة كرب ليه؟ قال لي الرجال يا بتشغل معه قاسي - 00:15:21  
جدا وبيتعامل معك بقسوة جدا. ولازم تعمل تارجت معين. والله بانزل من تمانية الصبح لحد المغرب. وارجع اصلی العشاء وانزل تاني لحد الفجر. قال لي والله ما زوجتي ولا اولادي. وضاغط علي وبيتعامل معي كزا كزا وشد علي جدا. واحد في يوم من الايام قلبه فيه مرض اسمه قسوة - 00:15:40

البوقاسي عنيف شديد مع الناس. بيعامل مع الناس بكل شدة. النبي صلى الله عليه وسلم يقول لنا ان صاحب القلب ده يخش الجنة اللي بيتحامل مع الناس بالصورة دي ما بيخشش الجنة - 00:16:00  
علشان كده بقول لكم احنا محتاجين نبص دائمًا. احنا قلوبنا الان هي قلوب سليمة. لما نقابل ربنا نوصل؟ ولا القلب ممكنا تكون فيه مشكلة محتاجة تتعالج. بصوا يا اخواننا علشان ابين لك قد ايه قلبك مهم لازم تفهم ان من اوائل - 00:16:18  
للاوامر اللي ربنا عز وجل امر بها النبي. مع بداية الاسلام في سورة المدثر اللي هي من اوائل السور اللي نزلت على النبي. ربنا قال للنبي صلى الله عليه وسلم وثيابك - 00:16:38

يا فقير يعني ايه وثيابك فطهر وثيابك فطهر هو كان وقتها في صلاة ما كانش في الصلاة وقتها. ولكن يقول جماهير المفسرين وثيابك سطهر ان من اوائل الاوامر اللي تنزل على النبي بقول الله وثيابك فطهر. قال ابن القيم ايه وقلبك - 00:16:48  
طهر خليك حريص ان قلبك يكون طاهر. خليك حريص ان قلبك يكون سليم. ما يكونش مريض. وثيابك مطهر. النبي صلى الله عليه وسلم يقول لنا الا ان في الجسد لمضفة اذا صلحت ها؟ صلح الجسد كله واذا فسد - 00:17:13

فسد الجسد كله الا وهي القلب. قلبك ده هو المحرك الاساسي لكل جوارحك قلبك ده في اليوم اللي هيكون فيه ان شاء الله سليم هتلاقيه بيدي امر للعين تبص في المصحف ما تبص للحرام. القلب ده يوم ما هيكون سليم - 00:17:33  
هيدي امر للاید دي بالتصدق مش ان هي تتمد الحرام. القلب ده في اليوم اللي هو يكون سليم هيدي الامر ان الرجل دي تروح للمسجد ما تروحش للقهوة وهكذا القلب لو سليم بيظهر اثره على كل الجوارح. لأن هو الملك. يا اخواننا ايمانا - 00:17:53  
ايمانا لا يثبت ابدا الا بصلاح قلوبنا. استقامة الايمان في القلب متوقفة على استقامة القلب النبي صلى الله عليه وسلم بيقول لنا لا

يستقيم ايمان احدهم حتى يستقيم قلبه. لا يمكن ابدا الايمان يستقيم في - [00:18:13](#)  
حياتك الا اذا استقام القلب ده اذا لابد ان انا النهاردة اقول لازم يا اخواننا نبص كده للقرآن. هربطك قرآن وان شاء الله دروس الاربع من بعد العيد ان شاء الله هنا في المسجد. هنتكلم ببرضو عن القرآن علشان اقول لك قلبك اغلى حاجة عندك في حياتك - [00:18:33](#)  
اغلى ما تملك في الدنيا كلها القلب. اكتثر ناس يا اخواننا وصلت لربنا وصلت لربنا حاجة كانت في قلوبها هو في بينه وبين ربنا حاجة هي دي اللي وصلته. والله يا اخوانا والله ممكن في يوم من الايام في يوم من الايام - [00:18:53](#)  
تبقى بص قاعد على الكمبيوتر بتاعك وشفت مقطع مقتطف مؤثر جدا. لاحظ الدعاء او لاحظ المشايخ. المقطع ده حرك قلبك وانت من جواك  
خفت من ربنا اوي. انت من جواك خفت من ربنا قوي. ومن غير ما تشعر لقيت جسمك عمال يرتعش. وفيه قصدير - [00:19:13](#)  
وفي جسمك وعينيك قاعدة تعطي عارف اللقطة دي قد تكون عند الله سبحانه وتعالى افضل من قيام سنة كاملة لأن انت هنا وصلت لربنا بايه؟ انت وصلت لربنا بقلبك ممكن في لحظة من اللحظات - [00:19:36](#)  
دي ورقة لسه جاية لي حالا بيقول انا متزوج من عشر سنوات وربنا سبحانه وتعالى لم يقدر له انه يرزقه اطفال بيقول لي بس الحمد  
لله انا اعيش حياة سعيدة جدا انا وزوجتي - [00:20:01](#)  
بيقول وفي هذا العام وفي لحظة خشوع وتضرع جيت ادعى ربنا سبحانه وتعالى. فلما جيت ادعى ربنا دعيته بايه بالزرية؟ لا. بيقول  
فانا ربنا انتقمني بهذا الدعاء. اللهم اني اسألك حبك وحب من يحبك - [00:20:19](#)  
وحب كل عمل يقربني الى حبك. ووالله يا شيخ انا ما بيهمنيش الولد. ولكن اهم حاجة حمي حب ربنا ورضاك. اقسم لكم بالله  
المشاعر دي قبل ما اجاوب على السؤال. المشاعر دي انه في لحظة - [00:20:41](#)  
من اللحظات وهو بيصلني حبه لربنا حلوة قوي قوي في قلبه. والله يا اخواننا اللحظة اللي انت فيها كده قصاد موقف من المواقف اللي  
ربنا سبحانه وتعالى عملها معك انت لقيت نفسك واقف كده وقمت باصص للسماء وتقول له يا رب انا باحبك اوي. تقول له يا رب انا  
باحبك قوي. تقول له يا رب انا - [00:21:01](#)  
انا بحبك بس انا بحبك بحبك بجد. والله يا اخواننا اللحظات ده افضل عند ربنا سبحانه وتعالى لحظات تانية كتير ممكن تكون واقف  
فيها بتصلني وانت قلبك مش معك. ليه؟ لأن احنا محتاجين اللقطات دي اللي احنا هنوصل لربنا - [00:21:29](#)  
هي لقطات الحب بتاعة القلب. هم كانوا بيقولوا على ابو بكر الصديق رضي الله عنه. والله ما سبق ابو بكر الصديق الناس بمزيد صلاة  
ولا صيام. ولكن سبقوهم بشيء ايه؟ حاجة كانت في قلبه. ايه اللي في قلبه؟ اللي في قلبه يا اخواننا - [00:21:51](#)  
معي في البيت الف جنيه يا رب عندي زوجة واولاد بس انا يا رب الالف جنيه دي لك زي ما عمل يوم تبوك يا ابا بكر تركت لاهلك يقول  
له يا رب يقول له للنبي يا رب انا تركت لهم ربنا - [00:22:11](#)  
انا تركت لهم امة. حبي لربنا وصله انه يعمل موقف زي ده. انك في يوم من الايام يا اخواننا في يوم يوم من الايام وانت ساجد كده  
تلaci نفسك فيه فيه حب فيه حاجة كده بتتحرك في قلبك ومرة واحدة وانت قايل يا رب - [00:22:32](#)  
يا رب اسألك الشوق الى لقائك رب اسألك الشوق الى لقائك اخواننا القلب كل ما كان الانسان منا عنده المشاعر دي كل ما كان الانسان  
ده اقرب لربنا كتير علشان كده لو جيت بصيت في حدیث سبعة يظلمهم الله في ظله هتجد ان الناس دي كانت اعمالهم حقيقة مش  
كبيرة - [00:22:54](#)  
ولكن اعمالهم في الحقيقة كانت القصة اللي فيها انه هو بيعجب بس. هو بيعهد ربنا بقلبه. يعني مسلا شاب ربنا يا رب يجعلني واياكم  
منهم يا رب. شاب قلبه النهاردة جا لي في الاواضة بعد صلاة التراويح. بيقول لي انا - [00:23:24](#)  
انا مش عارف هخرج من رمضان ازاى وهسيب المسجد هنا ازاى؟ يقول لي انا حسيت ان المسجد ده كان جنة لي بالنسبة لي السنة  
دي وصعب علي جدا ان ارجع تاني شغلي وارجع تاني وضعني. وانا مش عارف هعمل ايه - [00:23:45](#)  
هو ده مش قاعد طول الليل واقف يصلي. ولكن ده رجل قلبه معلق بالاليه ارجو مش عمل مش في قلبه الثاني اللي امرأة جميلة  
وصاحبة ما له وجاه حاجة ما فيش بعد كده. تقول له تقول له آآ - [00:24:03](#)

فيقول لها بس انا بخاف ربنا. هو خوف ربنا ده مش حاجة من القلب. انا حبي لربنا ما يسمحليش ان قلبي يخش فيه حاجة تانية الناس دي اللي بتوصل لربنا. والراجل اللي تصدق بصدقة جنيه تصدق بصدقة فاخفاها. حتى لا تعلم شمالة ما انفقت يده - 00:24:25  
هو دراها ليه؟ دراها ليه؟ علشان تبقى حاجة بينه وبين ربنا سبحانه وتعالى. الناس دي يا اخواننا قدرت تعبد ربنا بقلوبها صحيحة. الناس دي قدرت فعلا قلوبها تتحرك صح. فعلشان كده الناس دي وصلت لربنا سبحانه وتعالى - 00:24:47

الناس دي وصلت لربنا سبحانه وتعالى. النبي لما في يوم من الايام كان قاعد مع الصحابة ويقول لهم يطلع عليكم الان رجل هو من اهل الجنة والحاديis كلهم عارفينه. بس انا عايز المعنى اللي انا عايز اكده عليه. يا اخواننا يا احبابي الكرام سيدنا عبدالله بن عمرو بن العاص لما راح قعد معه تلات - 00:25:07

شاf قيام ليل كتير شاف صيام كتير الرجل عادي جدا. بس الميزة اللي عند الرجل ده ان هو بيحافز على قلبه. قال والله انا كل يوم ببات وما فيش في قلبي حاجة من ناحية حدس. انا سامحت عفيت - 00:25:29  
مش اي حد يعمل كده. الناس دي اللي بتوصل لربنا سبحانه وتعالى. النبي صلى الله عليه وسلم في يوم لما بيقولوا له يا رسول الله مين افضل الناس مين افضل الناس؟ فيقول لهم كل صدوق اللسان مخوم القلب - 00:25:49  
قالوا له يا رسول الله صدوق اللسان عرفناه. مين بقى مخوم القلب؟ يعني ايه مخوم القلب؟ فقال صلى الله عليه وسلم هو التقى التقى ده بيوصف قلبه هو التقى التقى الذي لا غل فيه ولا حسد ولا بغضاء لاحد. قلبه نصيف - 00:26:06  
ده افضل واحد عند ربنا سبحانه وتعالى يا اخواننا النبي صلى الله عليه وسلم علمنا باكده معكم على اهمية قلوبكم. النبي صلى الله عليه وسلم علمنا وقال لنا ان الله لا ينظر الى صوركم - 00:26:26

لا والله ان الله لا ينظر الى صوركم ولا الى اجسادكم ولكن ينظر الى ها؟ قل ميزانك عند ربنا باللي في قلبك ربنا سبحانه وتعالى يرى الان في الصف واحدنا بنصلی واحد غني وواحد فقير. مين افضلهم عند ربنا - 00:26:40  
اتقاهم باللي في قلبك. ربنا رأى الان اتنين واقفين واحد زابط واحد قاضي واحد مستشار واحد وكيل نيابة واحد عامل اضافة واحد مش مين افضلهم عند ربنا؟ على اللي في على اللي في قلوبهم - 00:27:08  
اللي في قلوبهم ايه اللي في قلبك؟ محل نظر ربنا سبحانه وتعالى لك. محل التقييم محل الميزان على القلب. ابن مسعود كان ضعيف نحيف راجل بسيط جدا. بس قلبه يا اخواننا نصيف. قلبه كان محافظ عليه من اي مرض ومن اي مشكلة - 00:27:26  
فالنبي قال ان رجل عبدالله ابن مسعود في الميزان اثقل من ايه؟ طب اذا كانت دي رجلية فما بالكم بقلبه؟ في يوم من الايام كان في واحد اسمه زاهر في زمن النبي صلى الله عليه وسلم زاهر ده كان واحد شكله وحش جدا جدا - 00:27:46  
دميم الخلقة. وكان كل ما يروح يتقدم لحد يترفض. شكله مش حلو في يوم من الايام زاهر ده دخل السوق يبيع ويشتري. بعد اما كان اتقدم لواحدة ورفضته بسبب شكله - 00:28:04

طبعا نفسيته تعان متضايق. فالنبي صلى الله عليه وسلم علم صلى الله عليه وسلم اللي كان بيحب دايما يجبر خواتر الناس درس التهجد. فقام النبي جاي من هو كده وقام حضنه صلى الله عليه وسلم. وحضنه كده وضرب على صدره. ثم نادى في ناس من يشتري العبد من يشتري العبد - 00:28:21

فقال دعني هو مش عبد وحب. قال دعني من انت؟ بيقول فانا بلتفت كده فلقيت مين قل فرجعت بظاهري حتى يمس ظاهري صدره صلى الله عليه وسلم ثم قال يا رسول الله تجدني كاسدا - 00:28:43

مين اللي هيشتري واحد بالشكل ده تجدني كاسدا فالنبي صلى الله عليه وسلم يقول له يا زاهر ولكنك عند الله لست بكاسد. انك عند الله غالى انت مش كاسد عند ربنا؟ انت عند ربنا غالى اوي. غالى بايه باللي في قلبك - 00:29:04  
غالى في ايه؟ غني بحبك لربنا يا اخواننا عارف اللي قايم يصلى وكل اللي مسيطر عليه مشاعر حب لله سبحانه وتعالى عارف ان في يوم من الايام قايم يصلى وكل حاجة مسيطرة على دماغه هو مش بيقول اخش او ما اخشعش. لا هو اين يصلى اصلا وقلبه مليان حب - 00:29:28

ربنا سيدنا عباد ابن بشر لما قال يصلي بسورة الكهف وبعد كده يقول اصل انا كنت في سورة بحبها ومش قادر مش قادر اسيبها  
مشاعر الحب اللي كانت مسيطرة عليه عارف لما لاما عمر ابن الخطاب كان ياخد المصحف - 00:29:53

المصحف ويحضره قوي كده ويبكي ويقول كلام ربي كلام ربي. عارف لما كان عمر رضي الله عنه تجيب ابو موسى الاشعري ويقعد  
في جلسة. ويقول له يا ابا موسى ذكرنا ربنا. وفي رواية شوقنا لربنا. فيبدأ ابو موسى يقرأ وكل - 00:30:12

الصحابة بيعيطوا في لحظة حب لله سبحانه وتعالى. ولحظة شوق لله سبحانه وتعالى. واشتياق اللقاء للقاء الله الجلسة دي عند ربنا غالبة  
قوى. ليه؟ لأن دي ناس قدرت تعبد ربنا سبحانه وتعالى بقلوبها - 00:30:35

دي ناس قدرت تعبد ربنا سبحانه وتعالى بقلوبها. كلمة سفيان الثوري وهو بيصلّي وقاعد مطول جداً في سجوده. وهو بيكلّم ربنا  
 بكلمة واحدة تدلّ قد ايه الانسان ده وصل لربنا سبحانه وتعالى؟ فبيقول يا رب يا رب متى القاك وانت - 00:30:54

راض عنى؟ نفسى القاك وانت كنت راض عنى. ولما واحد تاني من الصحابة او التابعين يكلّم ربنا وتحس ان انا انا بحبه والله بحبه.  
عارف المعنى ده؟ هو ده يا اخواننا صاحب القلب اللي بيصل لربنا سبحانه وتعالى - 00:31:14

عارف الكلام النهاردة ممكن يكون يعني ايه بس انا بقول لك خلونا نحاول. خلونا نحاول. نقرب من ربنا سبحانه وتعالى بقلوبنا. عارف  
في يوم من الايام وانت صل كده وانت نازل ساجد وتعرف ان العبادة معناها كمال الحب مع كمال الذل. وانت ساجد كده بين ايدين  
ربنا سبحانه - 00:31:34

وتعالى تقول له يا رب انت عظيم. انت عزيز. انت كريم. يا رب اعدني على ذكرك وشكرك وحسن عبادتك. حرف  
المعاني دي. عارف يوسف عليه الصلاة والسلام لما بيقول رب - 00:31:59

سجن احباب الي ما يدعونني اليه. انا مش عايزة حاجة يا رب تعوق قلبي عن معرفتك. يا رب انا مش عايزة حاجة تحول بيني وبينك.  
ولو كان يا رب وجودي في القصر هيخليني ابعد عن حبك. لا انا عايزة السجن. انا عايزة اتسجن - 00:32:19

عايز اتسجل بس في السجن هلاقي قلبي. في السجن هلاقي قلبي. في السجن هعرف احباب ربنا سبحانه وتعالى. عارفين يا اخواننا لما  
 تكون في يوم من الايام مش عارف فعلاً مش عارف - 00:32:39

في يوم من الايام بتبقى تعبان قوي. تعبان ونفسك تنام ساعة الساعة واحدة وتقوم كده صلي ركعتين هو انت بتكلم ربنا تقول له يا  
رب انت تحلم التعب اللي عندي - 00:33:05

وقد ايه الامور وقد ايه انا محتاج الم ساعة بس والله يا رب ما قمت الا عشان انا بحبك والله يا رب ما قمتش ما حركنيش الا حبك  
بس احد اخواننا الدعاة الشيخ مقدم الحضري اسأل الله ان يرحمه - 00:33:30

الشيخ مقدم احسبه من الناس يعني هو توفي الله يرحمه. احسبه من الناس فعلاً بيعبد ربنا بقلبه قوي كان في الواحات كان رايج  
دوره هناك لتعليم الناس القرآن وجاي بقى من طريق الواحات وواحد بقى اسكندرية الساحل اسكندرية والطريق ده كده - 00:33:51

فنزل هو وحد كان معه اسمه الشيخ حسن حد من احبابنا يعني آآ قالوا عشان عايزيين نصلي المغرب والعشاء. الشيخ حسن بيحكى لي  
آخر لحظات حياة الشيخ مقدم. فيبيقول لي - 00:34:21

احنا دخلنا في مكان في استراحة علشان نصلي المغرب وعشاء واحنا ربنا العالم كنا في اسبوع اتبهدلنا فيه بهلة. وكل واحد فينا في  
قلبه شوق وحنين لزوجته ووالاده. عايزة يرجع بيته - 00:34:35

والمسافة طويلة والحقيقة بتفرق. فيبيقول دخلت صليت المغرب وعشاء وبعد ما خلصت لقيته عمال يذكر ربنا سبحانه وتعالى. وبعد  
كده قلت له انا هطلع بقى عشان العربية وكده فطلع لقيته اتأخر - 00:34:50

فرجعت تاني دخلت المسجد اللي في الاستراحة لقيته قاعد وما سلك المصحف يقرأ ويعيط. يقرأ ويعطيه بقول له يا شيخ مقدم يطلع  
عشان الوقت انت ايه اللي مقعدك قال له يا شيخ حسن - 00:35:08

انا ولا بصلّي عنيا جت على المصحف ما قدرتش امشي غير لما اقرأ في المصحف بيقول لي يقوم واحد المصحف كده وقام حاضنه  
وقال له يا شيخ حسن انا بحب كلام ربنا قوي يا شيخ حسن. انا بحب كلام ربنا قوي يا شيخ حسن - 00:35:27

ويطلع ياخد العربية وعلى الطريق لقى جمل مرة واحدة كده سبحان الله الجمل لقى العربية داخلة عليه فقام ضارب بدماغه اوعى  
العربية خطوة طبعا جت على دماغ الشيخ ابن قدام الله يرحمه الله ويموت - 00:35:45

يموت بس والله يا اخوانا انا مش قادر اتخيل هو راجل كان من اهل القرآن. راجل كان من اهل القرآن كنت دائمًا اقول له يا شيخ  
مقدم انا نفسي اكون كده اتعامل مع ربنا بقلبك زي ما انت بتعامل كده. ونفسني يكون عندي ارتباط بالقرآن زي ما انت عندك الارتباط  
ده يا شيخ مدام - 00:36:03

ماشي مسافة ستميت سبعمية تمنيت كيلو. يعلم الناس القرآن. وشف الخاتمة بتاعته كانت عاملة ازاي ان اخر حاجة يمسك  
المصحف ويقول له انا شفت المصحف مش قادر قام يقرأ المصحف ويبيكي ويقرأ قرآن ويمسك المصحف - 00:36:28

يقول انا بحب كلام ربنا اوبي. خمس دقائق عمل الحادسة ومات يا اخوانا الناس دي اللي بتوصل لربنا سبحانه وتعالى اللي فهمت ان  
هي وهي جایة للصلوة انا باصلي وانا باحب ربنا - 00:36:49

الناس اللي وصلت لربنا سبحانه وتعالى يا اخوانا وصلت بقلوبها. ربنا سبحانه وتعالى في سورة الرحمن اللي هي من اطول السور اللي  
فيها وصف الجنة وما اعده الله عز وجل اهلها. ربنا قال لنا ان اللي وصل الجنة ده ووصل لربنا كل اللي عمله قدر يعبد ربنا -  
00:37:09

سبحانه وتعالى بقلبه. ربنا لم يذكر له مزيد صلاة ولا صيام. ولكن ربنا قال لنا سبحانه وتعالى ولمن خوف مقام رب جنتان. وبعد كده  
الآيات كلها في وصف الجنة للراجل ده. هذه الآية - 00:37:29

شغلتنى كثير. وانا قرأت فيها اكتر من اربعين تفسير. جبت اربعين كتاب تفسير. عايز اعرف مين ده؟ اللي ربنا سبحانه وتعالى بيصف  
الجنة له بالصورة دي. وبخاصة اللي لفت نظرى اكتر ان اي حد هيخش في درجة جوة - 00:37:49

درجة جوة الجنة. ربنا قال ان ده له درجة ولا قال له ايه؟ له ايه؟ عمل ايه؟ عمل ايه ربنا قال ولمن خاف مقام رباه. يبقى اذا المسألة ما  
كانتش مسألة جواوح. المسألة كانت مسألة ايه؟ قلب. هو كان خايف - 00:38:09

ربنا. يعني ايه ولا من خوف من مقام رباه جنتان؟ يكاد تكون كلمة اهل التفسير على معنيين. المعنى الاول ولمن خاف مقام رباه ايه  
تذكرة قيومية الله عليه تذكروا مراقبة الله لهم تذكرة ان ربنا يراه ومطلع عليه هو هبهم بمعصية - 00:38:29

تذكرة قيومية الله عليك فترك الذنب. خد كل النعيم اللي ربنا ذكره في سورة الرحمن المعنى الثاني ولمن خاف مقام رباه جنتان. ايه ان  
هذا الانسان خاف من موطن يقوم فيه - 00:38:55

يبين يدي الله عز وجل كقول كقول الله عز وجل يوم يقوم الناس ايه؟ لرب العالمين. اما انه خاف من ربنا في الدنيا او خاف من ربنا او  
من وقته بين ايدين ربنا يوم القيمة. كانت النتيجة وصل لربنا. وصل لاعلى درجات الجنة. بل ربنا ادي له - 00:39:13

جزاء مضاعف ولمن خاف مقام رباه جنتان. بل ربنا سبحانه وتعالى ايضا في سورة الانسان يقول لنا ان في ناس وصلت ربنا سبحانه  
وتعالى مم يا اخواننا عملها البدني كان قليل قوي. بس الناس دي قدرت توصل لربنا سبحانه وتعالى بقلوبها - 00:39:33

بصوا كده ربنا سبحانه وتعالى بيقول لنا ايه؟ قال ويطعمون الطعام على ها؟ حبه مسكينا ويتيمها واسيرها يروى طبعا ولكن الاسانيد  
كلها ضعيفة في المسألة. ولكن من باب الاستئناس. مش استشهاد. ان علي ابن ابي طالب ما كان في بيته الا ثلاثة - 00:39:53

ارغفة بس لسه هيأكل هو وزوجته واولاده خبط مسكين. طب لهم محتاجين الاكل. والحسن والحسين بيبيكوا من قلة الطعام. احنا  
محتاجين مين؟ اأ هو ايه اللي احب لربنا؟ نطلع؟ طب يا رب. الرغيف ده للمسكين - 00:40:13

شووية هناكل يتيم ادوني. طب احنا محتاجين ايه اللي احبه ربنا؟ ندي؟ خد شوية ربنا بيقول تلات ترغفة تلات ارغفة ويطعمون  
والطعام على حبه مسكينا ويتيمها واسيره. اسمع اللي جایة دي انما نطعمكم ايه؟ ادي الاخلاص وده عمل قلبه - 00:40:35

لا نريد منكم جزاء ولا شكورا. ها؟ انا نخاف من ربنا يوما عبوسا قمطريرا قال الله فوقاهم الله شر ذلك اليوم فوقاهم الله شر ذلك  
اليوم. امتى؟ لما قلوبهم يا اخوانا اتملت من خوف ربنا سبحانه وتعالى - 00:41:08

لما اقول لكم اتملت بحب الله سبحانه وتعالى. وهو بيدي بيدي علشان بيحب ربنا. وهو بيدي بيدي علشان خايف خايف من ربنا.

فكان النتيجة ربنا قال فوقاهم الله شر ذلك اليوم. ولقاهم نظرة وسرورا. وجراهم بما - [00:41:31](#)

جنة وحريرا وشف اوصاف الجنة لواحد عبد ربنا بالحب وعبد ربنا بالخوف. روى البيهقي في شعب الایمان باسناد صحيح ان ابن مسعود رضي الله عنه يحكى عن رجل من اهل الكتاب. انه عبد الله ستين سنة - [00:41:51](#)

عبد الله ستين سنة ثم انه نزلت الى جواره راعية غنم ففجر بها سبعة ليالي ستين سنة عبادة قصاد ست سبع ليالي. ثم انه ندم. ندم.  
ايه اللي انا عملته ده - [00:42:12](#)

واخذ يمشي في الطرق حتى نزل الى مكان يجتمع فيه المساكين. وكان فيه واحد كل يوم ببيجي عند المساكين دول ويدي لكل واحد برغيف فهو لما قعد وسطهم خد رغيف بتاع واحد مسakin - [00:42:36](#)

فالمسكين قعد يتالم من شدة الجوع. فقام واحد الرغيف واعطاه له ومات هو جائعا لأن الملائكة اختلفت الرجال ده نعمل معه ايه.  
فحقه عبادة ستين سنة في كفة وفجور ست سبع ايام - [00:42:57](#)

في كفة فطاشت كفة الحسنات عشان نعرف قدر المصيبة دي. ستين سنة طاشت ولما جيء به بالرغيف اللي تصدق به حتى ينجو هذا الانسان فطاشت السبعة ايام. فقبضته ملائكة بحاجة كانت موجودة في قلبه - [00:43:21](#)

اخوانا اكتر ناس هتوصل لربنا سبحانه وتعالى. الناس اللي هتتعامل مع ربنا بالمعنى ده الناس اللي هي وهي قائمة من صلاة الفجر  
بتقول يا رب والله انا مش قائمة عشان بحبك بس - [00:43:45](#)

الناس دي اللي بتوصل. عشان كده بقول لكم حاولوا دايما ان انت تحافظوا على قلوبكم في علاقتكم مع ربنا سبحانه وتعالى. ازاي يا  
قلنا نحافظ على قلوبنا. وايه الحاجات اللي تمرض القلب؟ بصوا - [00:44:04](#)

الحجاجات اللي تمرض قلب الانسان بتيجي دايما من عدة امور الامر الاول ان من ذنبه ومعاصيه الذنوب والمعاصي دي امراض بتنزل  
في قلب الانسان. وربنا يعافيكم. الذنب اللي بينزل في قلب الانسان سلطان. كل - [00:44:21](#)

كل يوم بيكبر. لحد ما بيسسيطر على قلب الانسان. لازم الانسان يلحق نفسه من البداية. كل ذنب وكل معصية الانسان بيعملها دي بمثابة  
طعنة جوة القلب فاكتر شيء يفسد قلب الانسان الذنب والمعصية. الذنب والمعصية بيسود القلب - [00:44:43](#)

وبيخلி ثيران على القلب. وبينكس القلب ويختسف بالقلب بسبب الذنوب والمعاصي. يعني ايه يختسف في القلب الذنوب والمعاصي  
يعني ايه؟ يعني ايه القلب يختسف به الخسفة معناه ان كان فيه بيت ومرة واحدة اتخسف به. فاللي كان فوق قوي ايه اللي حصل?  
نزل تحت. الذنوب - [00:45:09](#)

المعاصي بتعمل كده في القلب. بتعمل فيه ايه؟ بتعمل فيه عملية خسف. بعد اما كان القلب ده المعادي اللي انا عمال اقول لكم عليها  
معاني الحب لله والذل بين ايديه وخشيته ربنا وخوف. بعد ما كان القلب ده بيتحول حول عرش الله. سبحانه وتعالى - [00:45:36](#)

تلaci القلب ده لا يتحول عافاني الله واياكم الا في مواطن الشبهات ومواطن الشهوات ربنا يا رب يعافيني واياكم. في اول شيء بيؤثر  
في في قلب الانسان الذنوب والمعاصي. اتنين - [00:45:56](#)

تاني اكتر حاجة بتتأثر دايما في قلب الانسان اخلاقه الغل الحسد البغض الكراهية الغضب الحاجات دي كلها امراض لما بتنزل في  
القلب بتدمره تالت حاجة الشبهات يعني ايه دخل على موقع من مواقع الملحدين صفحة من صفحات مش عارف مين موقع  
عشان ايه وهكذا يخش يبدأ - [00:46:12](#)

الانسان يسمع او يشوف شبهة من الشبهات تنزل الشبهة دي جوة القلب دمرت قلب الانسان اصلا فانت عشان تقابل ربنا سبحانه  
وتعالى بالقلب السليم النضيف. لازم تطلع من التلات حاجات دول. ايه هم التلات حاجات؟ واحد. ذنوب - [00:46:42](#)

معاصي اتنين الاخلاق الاحق السيئة البغضاء الكبر الحسد الكلام ده. ثلاثة الشبهات لازم تبعد عن التلات حاجات دول لازم تبعد عن  
الثلاث حاجات دول عشان قلبك يفضل سليم. طيب انا لو النهاردة قلبي فيه مشكلة ممكن القلب ده يتصلح - [00:47:00](#)

القلب يتصلح يعني المعاني اللي انت كنت بتتكلم عنها دلوقتي الناس اللي حبت ربنا وخايفه من ربنا الناس اللي عندها يقين في ربنا  
ورجاء في احنا ممكن قلوبنا توصل لكده يقين في ربنا يعني - [00:47:24](#)

عارفين ما رأيته انت مناما هو انه نحن يقظة؟ عارفين القصة دي في ناس قلوبها مش مليانة حب وخشية من ربنا وبس كمان يقين في ربنا الحمد يقين في ربنا - 00:47:41

في يوم من الايام سيدنا عبدالله ابن المبارك بيقاتل في سبيل الله فلقى بعد المعركة واحد عمال يعيط فبيقول له بتبكي ليه؟ قال له الفرس بتاعي مات. والفرس ده الفرس ده - 00:48:01

كنت بأجره وبأكل عليه عيشانا وابن المبارك قال له الفرس ده بكم؟ قال له كان بسبعينية درهم. قال له خلاص. دول السبعينية درهم والفرس اللي مادة يبقى ايه؟ يبقى - 00:48:22

الراجل فرح جدا جدا. هو الفرس كده كده مات وانا خدت الفلوس راح الراجل بالليل طبعا جاب فرس جديد واكل وشرب وحاجات لاولاده. وهو نايم بالليل نام فرأي رؤيا شاف ان هو دخل الجنة - 00:48:38

ولقى الفرس بتاعه واقف ووراه سبعينية فرس من بتوع الجنة باشكالها الجميلة فرایح علشان ياخذ الفرس بتاعه. ملك قال له لأ سيب الفرس ده مش بتاعك. ده بتاع مين مرتاح ابن مبارك مش بتاع خلاص ما انت بعتهوله. فطلع جري ابن مبارك رجع الراجل ده جري على ابن مبارك قال له استنى يا سيدى - 00:49:02

خد السبعينية درهم بتوعك والفرس يبقى ايه لانه شاف الجزاء فابن المبارك بيقول له لأ عايز اعرف القصة فيها ايه قال له يا ابن المبارك رأيت البارحة في منامي كذا وكذا. وعرفت فعلا قد ايه يقين ربنا بقى اليقين في الله ان ربنا هيديني - 00:49:28  
ولو عملت حسنة مش هتضيع عند ربنا وربنا هيديني في المقابل لها. فانا بقى عندي يقين. فمن ابن المبارك قايل له كلمة قال له اذهب يا عبدالله فما رأيته انت مناما رأينا نحن يقظة - 00:49:48

اللي انت شفته مناما احنا شايفينه اصلا اللي في يوم من الايام يخرج يتصدق بمبلغ لله كده وهو وجواه يقين في الله. ان ربنا هيختلفه اه حد بيقول لي امبارح - 00:50:05

لما انت قعدت تقول آآ اسعد الناس وادخال السرور على الناس ومش عارف ايه قال لي قلت انا عايز ادخل السعادة والسرور على زوجتي بيقول لي والله العزيم يا شيخ ما كان معندي جنبيه. استلفت من حد زميلي قال لي ان شاء الله ان شاء الله ربنا هيرزقني يعني. فبيقول انا استلفت من حد زميلي مبلغ - 00:50:30

هدية كده كويسة. وياب رب تعجبك. هدية هي طبعا بقى ايه ما تعرفش في ايه. فبيقول خليت الاولاد فتحوا علبة العلبة كده وشافت الخاتم فبيقول انت مش متخييل كمية الفرحة اللي كانت في قلبها عاملة ازاي؟ يقول لي اقسم لك بالله الكلام ده كان الفجر بعد صلاة العصر ربنا - 00:50:53

ربنا ارزقني بالفين جنيه يا اخوانا اليقين عارفين اليقين؟ فيه ناس عبد ربنا ووصلت ربنا بقلوبها عن طريق اليقين انا عندي يقين في ربنا مش هيضيعني. زي ابو بكر كده ينفق ما له مرة وكل المال. عنده يقين ربنا مش هيضيعني ويرجع تاني يكسب ويبقى عنده - 00:51:13

ويرجع تاني يكسب ويطلع فلوسه كلها ويرجع تاني يكسب. ده اليقين فيه ناس بتوصل لربنا سبحانه وتعالى باليقين. ناس بتوصل لربنا المحبة ناس بتوصل لربنا بالخشية. ناس بتوصل لربنا بالرجاء. يعني ايه رجاء - 00:51:38

والرجاء معناه انت يبقى عندك ذنب كتير جدا وجاي مسجد تصلي تبعد ربنا وانت من جواك كل رجاء في الله انك مش هتخرج غير بعد ما يكون ربنا غفر لك كل شيء - 00:51:59

بس الرجاء ده اللي مصحوب بعمل. علشان فيه فرق عندنا كبير بين الرجاء والامانى. فيه فرق كبير بين الرجاء والامان. ايه الرجاء وايه الامانى الرجاء انا عندي زنوب كتير. وعندي رجاء في الله انه يغفرها لي. فعشان كده تبت وصلت وقمت الليل وقرأت قرآن وقلت يا رب ايه - 00:52:17

هيغفر لك برجاءك. انما الثاني عنده ذنب كتير يقول لك انا كلي رجاء ان شاء الله ان ربنا سبحانه وتعالى يغفر لي. طب انت تبت؟ لا بتصللي؟ طب بطلت ذنب؟ لا ده اسمه الامانى. وغرتكم الایه؟ الامانين. فيه ناس عبد ربنا سبحانه وتعالى بالرجاء - 00:52:37

في ناس وصلت لربنا بخلصها في ناس وصلت لربنا بالخلاصها ياه اكن كل دي معاني بتتعمل بالقلب كنا اه وفي ناس يا اخواننا وصلت لربنا سبحانه وتعالى بمقام الذل بين ايديه - [00:52:57](#)

عارف ختم القرآن في رمضان اتناشر ختمة ختم القرآن اتناشر ختمة وبعد ما ختم الاتناشر ختمة في الختمة الاتناشر قاعد يعيط بين ايدين ربنا سبحانه وتعالى ويقول له يا رب انت اللي اعتنني على القرآن - [00:53:25](#)

اشكرك ازاي بقى ده نسب الفضل لله مش انا اللي عملت. يا رب انت اللي اعنت عارف اللي دايما يخبط كده عارفين قصة الرجل اللي وجد قسوة في قلبه فخرج كده وبدأ يمشي في الشوارع والطرقات وهو ماشي قعد يقول يا رب افتح علي بمعنى يرق - [00:53:50](#)  
به قلبي فبيقول فسمع صوت هيسنة امي بتطرد ابنها امي بتضرب ايه ابنها؟ وبتضريه بتزقه برة البيت وتقول له انا قلت لك ما تعملش كده وفي كل مرة انت بتخالف امري ما انتاش داخل البيت تاني - [00:54:22](#)

فيما الولد يمشي في شوارع المدينة يروح يمين ويروح شمال وفوق وتحت. وفي الاخر ما لقاش اي حته يروحها فقام رايج الشاب الطفل ده واقف على باب البيت وقعد يخبط ويقول يا اماه اخطأت - [00:54:39](#)

يا اماه ندمان يا اماه ما ليش مكان تاني افتحي الباب يوم ما تسبينيش يا اماه فضل يخبط يخبط فبيقول فهو قعد يخبط لحد ما الام طلعت وهي بتبكي وخدته في حضنها. وقالت له مش انا قلت لك؟ تعال خش. ودخلته وقفلت الباب - [00:54:56](#)  
سبحان الله! اجمل الطرق على باب الذل ففتح له في ناس وصلت لربنا بمقام ده انه واقف على باب ربنا يا رب قال اخطأت. سامحني يا رب انا ما ليش غيرك - [00:55:29](#)

يا رب انا عارف ان انا زنوبى كبيرة او ي وعصيتك كتير. بس يا رب او امي هترحمني انت ارحم يا رب. وفضل يخبط على الباب. والله يا اخوانا خبط على باب ربنا. بص - [00:55:51](#)

كل الناس على ابواب الخير مزدحمة. باب الذل ده من اقل الابواب عليه ناس الناس عليه قليلة او ي نادر قوي اللي تلاقيه واقف على المقام ده. ممكن نعبد ربنا بالحب ممكن وبالرجاء. انما باب الذل انك كل يوم تؤمن - [00:56:11](#)

يا رب عارف ان انا ما استاهلش اصلا. عارف ان انا مذنب ومخطئ. عارف ان انا لي ما قصرت بس هو بيفتح لي يا رب افتح لي ربنا واقف على بابك - [00:56:31](#)

اكرمني يا رب. والله العظيم يا اخواننا. والله لا يرد الله سبحانه وتعالى لمثل هؤلاء الدعوة لذا لو نظرنا في حال كل الانبياء تلاقتهم دائمًا كانوا بيطلقوا على هذا الباب في وقت ازتمهم - [00:56:50](#)

انه يخبط على باب الذل. علشان ربنا يفتح له. ربى ربى اني وانا العظم مني واشتغل الرأس شيبا ولم اكن بدعائك ربى شقي يا رب افتح الباب يا رب افتح لي الباب يونس عليه الصلاة - [00:57:12](#)

عرف انه غلط لما خرج من غير اذن خبط على الباب وقال لا الله الا انت لا الله الا انت سبحانك اني كنت من الظالمين. سامحني وقال صلى الله عليه وسلم مر رجل ممن كان قبلكم على جمجمة واحد عاصي بعيد قوي عن ربنا. ماشي في الطريق - [00:57:36](#)  
شاف جمجمة افتقرموا ذنبه وافتكر حاله وتأصيله مع ربنا. فقال صلى الله عليه وسلم فلما رأها قال يا رب يا رب اشهد انك انت. يا رب انت الرب الحواد بالمغفرة. وانا العبد العواد بالذنب ويسجد - [00:58:05](#)

ويسجد وتحت يخبط على باب المغفرة يطلب يخبط على باب الذل. يا رب. اشهد انك انت الرب العواد بالمغفرة. وانا العبد العواد بالذنب. انت الرب العواد بالمغفرة. وانا العبد العواد بالذنب. فاوحى - [00:58:28](#)

الله لنبي هذا الزمان كل عبدي هذا ارفع رأسك فانا الرب العواد بالمغفرة. وانت الحمد العواد بالذنب غرفت لك. انا غرفت لك خلاص كحط قوم موسى عليه الصلاة والسلام. قعدوا فترة طويلة لا في ماء بينزل ولا في نبات بيطاع. فموسى عليه الصلاة والسلام - [00:58:48](#)

خالد يستأذن ربنا يا رب اسفنا الغيص وخلق قوم موسى كلهم هيموتوا. خلق قوم موسى عليه الصلاة والسلام والكل خارج عمال يدعو ربنا سبحانه وتعالى. يا رب اسقينا يا رب يا رب. فقال الله سبحانه وتعالى - [00:59:13](#)

يا موسى لن يستجاب لكم فيكم عبد عاصي فيكم واحد عاصي ف ساعتها موسى بنادم نادي اخوانا اللي فينا عاصي اللي عمل كذا وكذا يخرج من بيتنا. فالراجل سبحانه الله وسط الناس قعد يسجد ويغيط ويبيكي. يا رب ما تفضحنيش وسط الناس - 00:59:33  
بكاء شديدا ويفاجئ موسى عليه الصلاة والسلام ان ما حدث خرج. بس السماء عمالة تنزل امطار. ايه ده كله قل يا رب من هذا؟ انت قلت لي يخرج الحد ده اللي خط على باب ربنا ما تفضحنيش - 01:00:02

ما تفضحنيش. وقع في زنب وامره هيكتشف. قعد يخط على باب الذل ما تفضحنيش. فكانت النتيجة يا رب سيدنا موسى بيقول لربنا مين هو العبد ده؟ فقال الله يا موسى سترت عليه وهو يعصيني افاضحه - 01:00:22  
بعدما تاب اليه تابوه وعصي انا سترته افضحه دلوقتي بعد ما دام خط على باب الذل. وقل له يا رب افتح كل رب الانسان سواك. ليس لي اب غيرك ولا الى سواك. دي الناس اللي قدرت توصل لربنا سبحانه وتعالى بقلوب غالية - 01:00:42  
ارجع تاني واطرح سؤال يا اخواننا هو ممكن القلوب لو كانت في يوم من الايام فسدت او بازت او حصل لها مشكلة. ممكن تتصلح ممكن تتصالح الشيخ حسين الم يأن للذين امنوا والايota اللي بعدها؟ وعايز بالله عليك الشيخ حسين هيقرأ ايتين ربنا بيتكلم فيها على حال ناس - 01:01:06

قلوبها راحت منها. وبعد كده اتكلم على اية تانية. وعايزك تفكك كنوع من انواع التدبر. عايزك تفكر ايه العلاقة بين الاية الاولانية اللي بتتكلم على ناس قلوبها مرضت وبين الاية اللي بعدها. ونكمel بعد ما نسمع الشيخ حسين - 01:01:32  
لذكر الله ولا يكونوا كالذين اوتوا الكتاب منه فقال عليهم الأمد فقصد قلوبهم قال لعلكم تعقلون حد يعرف يقول لي ايه علاقة بالايota الثانية بالايota الاولانية ربنا اللي قادر على احياء الارض بعد موتها يحملوا ان الله يحيي الارض بعده موتها. اللي قادر على احياء - 01:01:52

الارض قادر على احياء قلبك شفتم القرآن جميل ازاي؟ شفتم الارتباط بين الايات ماشي ازاي؟ الم يأن للذين امنوا ان تخشع قلوبهم لذكر الله وما نزل من الحق. ولا يكونوا كالذين اوتوا الكتاب من قبلوا فطال عليهم الابد. فقصد قلوبهم - 01:03:48  
قلوبهم اسد قوي. قلوبهم كانت سيئة او يحببتي؟ قلوبهم كانت سيئة او ي ممكن حد يقول طب يا رب انا قلبي ابقى زيهم ما عدش رقيق تيأس وتحبط ويجيلك احباط واكتئاب خلاص انا ضائع يقولك لا لا - 01:04:13  
احلموا ان الله يحيي الارض بعد موتها الارض اللي ما فييش فيها روح ربنا بيحبيها. يعني ممكن ربنا يحيي قلبك. يحيي قلبك ازاي؟ ودي الواجبات العملية بتاعة النهاردة واحد اول حاجة يا اخواننا اول حاجة ربنا يحيي بها قلوبنا الدعاء - 01:04:43  
انا قعدت عملت بحس صغير قد كده حوالين الاحاديث اللي النبي صلى الله عليه وسلم كان يدعو فيها لقلبه فوجدت اهتمام النبي بالدعاء لقلبه وتمام عجيب قوي. كان صلى الله عليه وسلم يقول اللهم اهد قلبي - 01:05:07  
- 01:05:29